



UNIVERSITÄTS-
BIBLIOTHEK
PADERBORN

Universitätsbibliothek Paderborn

Indvstria Spiritvalis

Spee, Friedrich von

Coloniæ Agrippinæ, Anno M.DC.XXXIX.

Itaque examinet vt sequitur.

urn:nbn:de:hbz:466:1-43756

5
Itaque examinet vt sequi-
tur.

P R I M O.

AN reuera ex animo doleat, quod
summam illam & infinitam Ma-
iestatem Diuinam suis peccatis offen-
derit. Quippè cum hunc solum in fi-
nem conditi simus vt Deum nostrum,
dum hic viuimus, perpetuò laudemus
ac reuereamur, eiq; tanquam supre-
mo omnium Domino, homagium
præstemus, nedum, vt eum incessabili-
ter offendamus, mandata eius abijcia-
mus, conculcemus, & non magis eius
Maieftatem, quam vilissimi ali-
cuius homuncionis im-
perium cure-
mus.

* 5

SE-

SECUNDO.

AN ita detestetur, oderit, & auertat se à peccatis suis, atque ad Deum suum iterum se conuertat, vt intuitu Maiestatis eius, iam ab hac hora, & momento renunciēt illis in æternum, ac firmissimè iam, & absolutissimè resoluerit sese hæroica resolutione, deinceps tota vita sua nullum amplius peccatum mortale admittere, sed reuera Diuinam Maiestatem suam, pro absoluto legislatore, ac Domino agnoscere, eiusq; mandata, quoad fragilitas humana patitur, obseruare. In specie verò examinet id quisque circa certum aliquod peccati genus, cui ipse quidem se maximè inter alia deditum esse nouit.

TER-

6

TERTIO.

AN occasiones peccandi, quas proximas vocare solemus, sine quibus impossibile est, peccata mortalia cauere, vt si quis (verb. gr.) pellicem domi retineret, si quis item haberet officium, quod sine peccato mortali exercere non posset, & si quæ sunt similia, velit tollere, & abdicare. Tollenda enim & abdicanda planè sunt talia, etiam si ipse indè in extremas huius vitæ miseras, & inopiam deuenturus esset. Quid enim prodest homini, si vniuersum mundum lucretur, animæ verò suæ detrimentum patiatur? Huc quoque spectat, An si quos possidet libros aut picturas prohibitas, aliaue peccandi instrumenta, ea omninò amouere velit, ne vel sibi, vel alijs nocumento esse possint. Spectat huc etiam, An si quod hactenus odium fouerit, illud velit deponere, & iuxta Christi præceptum,

ceptum, Matth. 5. fratri se se suo, quem
læsit, reconciliare?

Q V A R T O.

AN, si potest, velit restituere fa-
mam & honorem, quibus siue
vera, siue falsa de ijs narrando, de-
traxit?

Item, si potest, an rursus in amici-
ciam copulare, si quos, discordias semi-
nando, dissociavit?

Item, si potest, an velit restituere in-
iusta & aliena bona, si quæ habet, item-
que creditoribus suis satisfacere, & a-
lijs in præterito, seu in præsentia causata
damna resarcire &c. Quippe cum di-
mitti nequeat peccatum, nisi restitua-
tur ablatum.

Item, si sit persona Ecclesiastica, an
velit legere suas horas canonicas, etsi
simoniacè habet beneficium, aliter de
eo disponere, in quibus omnibus rebus
à Confessario dirigi poterit. Porro igitur
tur

tur in his examinandis, si quis est, qui in istis punctis deficiat, ita, vt penitus resolutus non sit, aliam omninò viuendi rationem instituere, talem scilicet qualem Christus in Euangelio Christianis præscribit, tum is certè, quicquid agat, iustificari aut iuari non potest, quoniam ira Dei manet super eum, quam thesaurizat sibi secundum impœnitens cor suum, vsque in diem reuelationis iusti iudicij Domini nostri Iesu Christi Regnum cœlorum vim patitur. Lex Euangelica mutari non potest, aut pœnitendum est seriò, aut ardendum. Eligat sibi quisque quod videtur.

Sin autem contra, sincerè dolet, & peccatis ex animo in æternum renunciat, & reliqua, quæ prædicta sunt, præstare cupit, is denique iuari, & per merita Iesu Christi, quæ per Sacramenta nobis applicantur, iustificari potest, & à pœnis sempiternis, quarum reum sese fecerat, liberari.

Procedat vltcrius, & sacerdoti loco
 * 7 Dei

Dei constituto, atque ad hoc legitimum, sufficientemque potestatem, ac scientiam habenti, iuxta Ecclesie Catholicæ ritum confiteatur. Viuit Dominus & viuit anima eius, si fuerint peccata sua vt coccinum, quasi nix dealbabuntur, etsi fuerint rubra, quasi vermiculus, velut lana alba erunt. Nolo enim mortem peccatoris, ait Dominus, sed magis vt conuertatur & uiuat.

Qua in re cum experientia quotidiana didicissem, multos subindè generalem, aut alioquin intricatam plurimorum annorum, ac totius vitæ confessionem solere refugere, aut differre, ob eam, quam in præparando sentiunt, difficultatem, vt vel his quoquè consulerem, & infirmitatem, industria aliqua subleuarem, sequentem eis praxin. proponere statui, quam si obseruent, sinè vlla prorsus difficultate præparare sese breuissimo tempore poterunt, sic etiam, vt sinè scripto & quidem accurate

rate

8
rate confiteantur, esto calamum non
attingant.

Tantum o anima peccatrix, vide
quomodo serio poeniteas, & quam læ-
sisti infinitam Maiestatem, dum tem-
pus adhuc gratiæ tibi suppetit, placa-
tam tibi reddas, & penitus reconcilies.
Iterum tibi dico, iterum inculco.
Aut poenitendum est serio, aut ar-
dendum: si deficis in quatuor pun-
ctis supra positis, & quidem vel in
vno, nihil agis, frustra sunt omnia,
absolui non potes, ne quidem, si vel
omnes mundi Sacerdotes, te millies
absoluant. Nouit Deus, & Pater Do-
mini nostri Iesu Christi, quot non
mentior, veritatem tibi dico, si qui ali-
ter te docent, ij mentiuntur, & te in in-
teritum deducunt. Sed quam multi
sunt, qui hæc non considerant, & vel
in peccatis penitus obsurdescunt, vel si-
ne serio melioris vitæ proposito, leuiter
ad Sacerdotem currunt, & quasi id sit
fatis

fatis, peccata sua ad longum recitasse,
ad eandem viuendi normam redeunt,
atque in eodem vitiorum luto, se ob-
uoluunt vt non immeritò in Apoca-
lypsi canat Angelus, terribili illa tuba.
VÆ. VÆ. VÆ. hominibus habitanti-
bus super terram.

P R A X I S H V I V S industriæ,

TOta igitur industrię nostræ praxis
in sequentibus consistit. Nam ita
te præparabis.

P R I M O.

FLecte genua, & inuoca humiliter
auxilium Spiritus Sancti, B. Virgi-
nis Mariæ, & Angeli Sancti tui custodis
&c.

SE.